

皇朝經世文續編

第十一冊

皇朝經世文續編
第十一冊
PDG

皇朝經世文緯編卷四十九目錄

戶政二十六錢幣下

籌議銀錢出入陝省銀難改易疏

銀幣論一

銀幣論二

用銀利弊論

請派大臣查辦疏

請將各省例解銅緡紙張折價解部片

奏陳整頓滇省銅政事宜疏

請變通鼓鑄疏

請開鑄錢疏

閩省試鑄制錢文由機器局籌辦疏

林則徐

馬之駿

馬之駿

姚文枬

張楷

張之洞

岑毓英

張之洞

楊昌濬

楊昌濬

戶政二十六 錢幣下

籌議銀錢出納陝省嚴難改易疏

林則徐

竊照前准部咨奉 上諭穆彰阿等奏遵旨會議御史劉良駒條奏銀錢畫一章程一摺銀錢並重本係制用常經果能隨時酌量不使輕重相懸裕國便民西有裨益未可輒稱窒礙不思設法變通著該督撫等各就地方情形詳細體察悉心妥議具奏務使法立可以推行不致滋弊毋得任聽屬員巧為推諉稍存畏難苟安之見僅以一奏塞責欽此又軍機大臣會同戶部議覆內閣侍讀學士朱嶠條奏貴錢濟銀一摺奉 旨依議欽此並抄錄各原奏咨行到陝當經前撫臣轉飭司道暨各府州酌量籌議臣到任後復經詳飭細加體察設法變通不許畏難推諉去後茲據司道彙覈屬稟會議具詳前來臣思銀錢相輔而行利散於民而權操自上果能廣用錢之路自足持銀價之平惟變通本以濟時而制宜首須因地查部議章程四條本以陝西列入陸路六省之內固已知其非比東粵各省一葦可杭而仍議令查明有無內河水路原冀一處能通舟楫即於一處先令試行無如陝省七府五直隸州所屬九十一廳州縣之內錯處於南北兩山者計已五十九處重疊疊嶂車輾尚不能通此外三十二處雖屬平原之地亦無內河水路可達省垣是以行旅往來非車即駝並有駝載亦不能通之處則須雇夫背負脚費愈繁此費若出諸官則恐滋虧空之端若取諸民又恐增派差之弊是陸路之難以運錢實係限於地勢似不能勉強而行也且陝省銀錢市價長落無常有時竟與別省迥異如本年七月內臣甫到西安省城每紋銀一兩可換制錢一千八百餘文迨至九月間每兩僅換錢一千二百三十文不等較前兩月頓減錢五百餘文之多衆人皆以為詫異訪詢其故則僉稱歲歉糧貴之時銀價必然跌落其理亦不可解如果此後銀皆落價似亦相宜然又忽低忽昂不能豫料且當陝省銀賤之際鄰省銀價仍昂而未聞有市僧販錢來陝買銀以圖獲利者可見陸路運費六六不能取贖若以市僧所不能為者責令有司為之其勢自更不易查內閣侍讀學士朱嶠原奏請將各屬銀錢視省垣時價為準今以陝省觀之即有難以作準者如省城現在銀賤而各屬之銀偏貴則領錢而回者不能與該處銀價相敵州縣不甘賠累即難強以遵行且缺分衝解不同錢糧多寡亦具有此屬之所解而為彼屬之所領者領錢之人非即解錢之人稍有參差遂滋爭執似亦非上司所能強制若論常年稅課原可銀錢並收但查陝省額徵商稅以及地畝牙當鹽茶磨鐵各課每年共銀六萬八千五百餘兩內除鹽課項下支給

上海葛士濬子源輯

西安將軍奏廉銀一千六百兩外其餘皆應部候撥此正部議所云撥解之款應照舊徵銀不能改議者也以工程言之近年應修各工概因經費絀奉文停止即間有刻不可緩奏准辦理之工亦係為數不多通年無幾或因本有息款始准支銷與其改用錢文仍不如加意撙節之為有益也惟使省留支項下有可以變通用錢之處如文武各官養廉公費並各屬額支夫馬工料及各關局額支收稅書役口食等款俱可搭放錢文查道光二十三年覆奏陝局減卯開鑄案內即已議准凡養廉等項每領銀一兩內搭錢一百文抵作銀一錢每年共搭錢三萬六百四十三串三百六十六文共扣回庫銀三萬六百四十三兩三錢六釐按季報部現仍遵行無異是變通用錢之議陝省所辦已在他省之先其未經搭錢者現扣六分半頭計每年扣銀亦在二萬兩以上若再加搭錢文則減平一項轉覺扣不如數且即使此等款內再令減銀添錢亦不過杯水車薪於大局約仍無濟至兵餉項下未便再搭錢文則前撫臣李星沅先已奏荷 恩俞自毋庸議當此權衡制用上厯 宵旰時咨臣但有一得之愚斷不敢存苟安之見惟就陝局情形細體察實有難以改易者亦有業已變通者應請仍循舊章庶免轉生窒礙

銀幣論一

馬駁之

天下之大害曰飢寒天下之大利曰菽粟曰布帛菽粟極圭撮布帛極分寸權之以錢幣交易始營銀幣者權錢幣者也利宜與錢分行明中葉國賦頗微銀造 本朝銀幣遠盛乾隆嘉慶間陝西廣郡婚喪之酬飲賓友之惠賂匪錢幣意若嫌天下之幣乃壹出於銀乃以錢權銀今置數者其前銀所欲也錢所欲也菽粟布帛所欲也然菽粟布帛提挈零瑣即以今制錢準之銀若重七勛一人所勝率二十緒而止或數百緡數十緡則非舟車運般末由致遠奔走天下惟銀幣乎銀幣生錢幣病菽粟布帛死貨累鉅億緡束局鑄壹毫僅區區焉使官吏便商賈便盜賊官吏商賈盜賊便吾農吾氓猶甚不便今夫不便而輒轉而已得銀猶可說也統治之設向兼采銀厥今永行禁閉市舶之集向資來銀厥今反虞透漏禁閉嚴銀源絕透漏多銀流決而又釵鉤銷鎔去其一杯著鑲嵌去其一推箔研泥及雜物塗毀去其一是故銀幣耗則夫織婦畢歲動動低估以售之所得之錢不可輸賦更進而權銀詎以銀羅買者日復一日錢并壅於商賈不能得銀且不能得錢金之用珍於銀天下不憂金之耗者國家制幣在銀不在金也錢之用浩於銀天下不計錢之耗者鼓鑄未停抑供應所亟在銀不在錢也譬諸身叔粟布帛心腎也錢血脉也銀指爪毛髮也譬諸家叔粟布帛父母也錢子弟也銀傭隸婢妾也先指爪毛髮傭隸婢妾而後血脈子弟吾見心腎之湮鬱父母之軒輊而已矣以錢權銀叔粟布帛益賤銀益難得天下之人駭駭乎背棄閭井驚為商賈必至愚至劣者自念孱懦姑隱忍緣隴畝而向園廬而氣固嚴然其不靖官吏則貪冒橫城府盜賊則攘奪橫江湖漚之數十年恐釋耒而

倚市投杆而刺丈者尚良民焉耳易曰物窮則變變則通通則久又曰節以制度不傷財不害民處極敝之時而不思變通之術節制之經生令上虧幣藏下毒黔黎有志之士所欲拯寧而抵掌也宋熙甯中張方平疏言比年公私交困并苦乏錢農民皆變轉穀帛輸納見錢錢既難得穀帛益賤人情窘迫謂之錢荒方今天下豈不謂之銀荒者與

銀幣論二

馬敬之

收銀幣之耗不在不用銀幣也天之所施地之所生凡濟於用英君諸相方將輟寶肝創起宣導之矧乃銀幣天下不廢銀幣斷斷矣譯者顧墮沼軌云古未嘗以銀為幣魏源氏近之達者也其軍儲篇亦云宋明以前銀不為幣此惟漢書食貨志稱泰并天下幣為二等而珠玉龜貝銀錫之屬為器飾不為幣爾太皞始鑄金禹湯鑄厯山莊山之金不必其銀不必其非銀矣荆揚貢三金品梁州銀鐵并貢爾雅白金謂之銀其美者謂之鎡不必其幣不必其非幣矣漢武帝元狩四年造白金及皮幣少府多銀錫又造銀錫白金其後官鑄赤白金稍賤民弗寶用貢禹上諫宜罷采珠玉金銀鑄錢之官亡後以為幣王莽即真溺信圖識忌劉金刀乃罷錯刀契刀五銖錢更作金銀龜貝錢布之品名曰寶貨其銀貨二品則朱提八兩為一流直一千五百八十他銀一流直千晉武帝保定元年河西諸郡或用西域金銀之錢通典梁初交廣之域全以金銀為貨幣韓愈長五嶺買費一以銀元種奏狀自嶺以南以金銀為貨幣雖遐僻僻壤兼之市舶銀未通行固為幣矣源又曰銀鐵開宋唐以前史書從無其事而下篇引周禮非人掌金玉錫石之地而為之屬禁以守之若以時取之則物其地圖而授之巡其禁今謂治坑開閉禁令之始庸當時獨遺銀邪後魏宣武延昌三年有司奏長安驪山有銀鑛二石得銀七兩其秋恒州上言白登山有銀鑛八石得銀七兩錫三百餘觔其色潔白有適上品詔并罷常令采鑄云從無其事何邪貞觀初侍御史權萬紀上言宣鏡二州銀大發采之歲可得數百萬緡帝以尚言稅銀之利黜萬紀一時熾意千古經制乎哉道不變者也法世變者也變法以年利害即階變法以斥利害即祚錢子也救粟布帛母也母可權子子可權母倒錢於銀銀子而錢母錢幣不可權銀幣錢幣權銀幣錢幣輪輕救粟布帛輪輕管商把牢盆蕭留典會計不能使裕矣而況材管輪量斗斛詰以大計弱哂強罵一二時緡碩士罔顧事勢之宜與否矯枉偏持勢伸已說便行其說其不毒天下也幾希畢初所聞可以闢其口而奪之氣也

用銀利弊論

姚文相

古之為市者以其所有易其所無皆粟與器械而已上之取於民亦粟米布縷而已至不得已而後以錢權之而又未嘗易錢也降及後世泉貨交易因時遠變而日趨於難至今日之用銀而極矣蓋嘗論之銀之為用行之一方則可以之通行天下

則不可行之一時則可行之以為久遠之計則不可聽民之自為交易則債可征收支給上下通行則大不可何言之唐時嶺南買賣一以銀見韓愈元稹奏狀通典亦載梁初交廣之域全以金銀為貨蓋地瀕南海抗治多而海舶利也宋仁宗時詔諸路歲輸緡錢福建二廣易以銀蓋亦因之此則行之一方有餘而無不足者也夏有水患為發厯山之金作幣以救民商有旱災湯發莊山之金作幣以救民此行之一時有利而無弊者也自元以來銀竟通行浸不可救至明初禁用甚嚴乃未幾而通行如故漸至賦稅俸工無一不銀積重之勢極矣當時議者極陳用銀之便行之既久吏民亦尚相安然而征收支給上下通行行之天下垂之久遠愚終以為大不可者何也夫人心風俗國家之元氣也食貨者天下之元氣而國與民之所賴也銀既通行則銀貴而粟賤粟賤而田輕於是天下皆棄本而逐末夫務本則安於樸厚逐末則習為黠詐其勢然也民務本則田野日闢食貨自饒而人皆飽煖民逐末則田多拋荒食貨日絀而人受飢寒又其勢然也黠詐之甚流為姦惡飢寒之極歸於盜賊而銀者輕而易鬻又過足以便奸惡之侵欺而使盜賊有所勸於是循環相生世變日增而靡所底止天下之元氣日耗一日此其不可者一也古者民有恆產朝廷制之故天下之利權皆歸於上後世井田既廢遂不可問蓄錢之行也猶足以權食貨之輕重至上下通行一皆以銀則粟昂賤而民困制錢滯而國困獨所謂黠詐之民逐末致富起而為豪商巨賈者稱貸則重利剝民居奇則厚貨積滯銀錢輕重之權出其操縱官民拱手而聽之夫朝野交困而豪猾擅其利已不可言朝野交困而豪猾擅其權尚可言乎此其不可者二也銀之出也非由於滇之各廠即來自番舶然銀幣之設不耕而食者約有十萬餘人漢賈島所謂一歲受飢且七十萬人者昔人指為根本切實之論銀廠之置何以異此且近廠之地食貨必貴盜賊必多又煎煉之爐烟甚黃甚黑洗礦之溪水損削田苗至若供應一切尤種種難罄是資於課者無多而害於民者實甚非計之得者也若專恃番舶則棄中國本有之貨而轉仰給於外番常變既不可知漏卮已所難塞抑尤謀國者之所宜深念者矣此其不可者三也銀者飢不可食寒不可衣平時視為至寶設遇干戈水旱而粟昂無可得易銀亦廢物而已故征收用賦無論通賦愈多度支愈絀也即能府庫充盈亦非至計前明正統間以官倉儲積有餘今所在公積滯變輕齋乃自折銀之後不三二年水旱頻仍設法勸借至千石以上以賑凶荒者謂之義民詔復其家然空虛已見而相沿用銀仍未議改既而郡國大侵倉無見粟民思從亂國隨以亡豈非百世之鑒哉此其不可者四也夫合此四者言之則是銀之通行校權豪猾日耗元氣於不知且所出之產隘而積之府庫又緩急不足恃然而數百年來征收支給上下通行用之天下垂之久遠而未嘗廢然返者何也曰用銀則軍民省轉運之勞倉庾免紅朽之患其為利也顯而四不可者害雖中於本原其為害也隱顯者其利淺隱者其害

深庸人見其顯不見其隱見其淺不見其深是以數百年來官民受困數倍於前而不知其由於用銀也即有一二見及者又
更難苟安一誤再誤可勝歎乎夫物極則變變則通用銀至今日可謂極矣前此竟未議改或者變通之舉將留以有待於今
日哉能詳考昔人之言赫然改法征收支給概不用銀使制錢流通貨錢裕俾天下後世知 盛朝之所為超出尋常萬萬
也豈不盛哉

請派大員查辦疏 光緒六年

張楷

本年十月二十五日奉 上諭此次戶部盤查寶泉局庫當十大錢有無虧短是否未將制錢盤查著戶部據實覆奏欽此
一月初四日戶部覆奏奉 旨將同治九年後歷任各該督撫大使分別議處等因欽此及見該部原摺所 奏盤查當十大
錢尚為明晰至所 奏當字庫制錢未能盤查情形則避罪誣過含混模糊尚多不實不盡之處如原奏云錢質輕小多不如
式夫式由部定豈有本部鑄錢而不如式者既不如式何以歷任監督交代時絕不驗明是非於停止盤查後陸續抽換斷不
至此又云字樣模糊重六七分不等查係咸豐七年以前所鑄大字樣模糊僅可以備數者私錢也豈有煌煌泉府預藏私錢
之理此中情弊不問可知且字樣既已模糊矣安知非七年之後以私鑄而必斷為七年以前之官鑄耶其抽換與否部臣何
無一言及之至云此次奏借經費二十兩費用過半若全數穿出費用仍多不敷等語則愈不若夫錢質輕小不適於用一見
了然不待穿出六萬餘串而後知也乃約畧其詞謂大數不甚懸殊豈果為經費起見乎抑別有難言者乎在部臣以事隔多
年無從深究而不知關係大局非淺鮮也 部項係該部職守此錢既不可用自當即時舉發究詰其所由來而原奏乃云不
值以可節之費盤無用之錢徐圖設法變通辦理若為不甚受惜也者是未經盤查以前該典守者憚其發費高昂彌補既經
盤查以後竟以無用入 告該典守者直可置身事外矣此風一倡異日銀庫中設有一鉛錫抽換者亦將謬為某年以前所
收援此例以遂免追究耶各直省庫款設有如此類者亦將不之問耶是蓋此項制錢事猶小而將來虧空 國帑不可究詰
貽誤事機患更大也竊惟今日事勢其所最棘手者莫如鈔幣而鈔幣之盈絀自戶部始戶部之綜核自庫儲始當此 部項
奇絀積弊至於如是猶復支吾避就何以專責成而整頓藏相應請 旨另派大臣認真嚴查有無抽換情弊再行辦理庶政
體益肅流弊可除矣

請將各省倒解銅紙張折價解部片 光緒八年

張之洞

爭省常年倒解大小路鈔八十足生素絹一千二百疋毛頭紙一百萬張呈文紙四萬張上項諸色為物甚菲而累及官民甚

重所觀賦載甚多路細并不出於路安路民但能養蠶不習機杼其行漳州織辦或雇澤匠到路織辦或寄絲至豫省織辦大授以後桑植不整機匠寒落如澤州機戶前約千有餘家五年前三十餘家今存米山鎮劉氏一家此不惟哭餘之哀亦足見地利之遷移餘則外郎解絲供匠者城織造近年欠絲甚多解匠者十一州縣今有九州縣皆報故絕招募無人通計絲價織工運脚雜費解絹一疋費銀十兩紙戶向以承應官差為行頭胥吏所擾而蒲州紙戶流亡失業尤為困苦屢次呈訴求免綜計綱浮手例價五倍絹紙浮手例價十倍又各項價脚不敷攤之通省一縣不齊則全批停運臣到任後多方督催甫於四月內各解一批綱解至光緒四年止絹紙解至光緒元年止此就解多者言之其餘各府積欠尚在十年以上查晉省土性體慕產絲獨繅水色沈闇練染無方織為衣料不惟非江浙四川細緞之比亦遠不如南陽鄧陽之繭緞僅與雲南所產相等并無足責若生素農桑等絹質地尤為疏薄略似京師羅底稀紗至毛頭呈文等紙更粗色黯即京師市肆通行之皮紙而潔白遜之竊考山西地產他無可稱惟煤鐵兩端利於民用其出最蕃而其質最良甲於他方鐵之為物既為農器家人日用海疆機局之所必資而平日本為薊遼兗豫江淮以南商賈轉販之所及所宜講求推廣招徠工商以為足國富民之計故平好鐵一端臣此次疏中但懇津貼不請折納以其非他省所產之可敵故也若夫隨地皆有之物又不精良宜無關於任土作育之義但使可以備用似不必輸之遠方按綱緞紙張皆以江南所產為勝近年華商輪船暢行江海絲貨紙貨充物津沽達于輦下由其轉輸輕利故物美而價廉都市之中何求不得即如毛頭紙一百萬張呈文紙四萬張合計色裏繩素相隨應解役行季共重三四萬斤晉地山路艱難任載有限用大車五十餘輛用驢贏則須三四百頭再加以他項綱緞勞民重役抑又可知全省之中勢然煩費而運致此粗重之物此固因時制宜之制道所當斟酌者也合無仰懇 天恩俯念晉省積累物微運艱量予變通可否將此項綱緞紙張折支價例脚解部此外再由晉省籌款按照例價脚解部現已行減實銀之數津貼銀二千七百一十四兩零一分三釐并舊章部飯一併附京餉之便搭解戶工兩部就近採買應用如此一轉移間內府曹司不闕需用不煩催迫而晉省承辦之民戶攤捐之州縣委解之佐雜微員均免賠累之苦共戴 皇仁實無涯涘伏查路綱一項乾隆中葉以前額解大綱一百疋小綱三百疋乾隆三十四年減為今之數旋又復舊嘉慶十一年工部奏准停止至嘉慶十五年始又飭令織辦遂減定為今日之數額足一項咸豐二年戶部有籌議節用之疏奏准停其織辦至咸豐六年復舊毛頭紙一項乾隆三十九年戶部奏准停辦折價解部至乾隆五十一年始又飭解本色呈文紙一項原額一萬張乾隆三十四年增至今數嘉慶五年戶部奏准停解嘉慶八年復舊咸豐三年戶部奏准停辦折價解部以節帑項至咸豐六年始又飭解本

色又如晉省原有解解萬錫黃蜡之例於乾隆道光年間先後停止此皆先朝舊典屢有變通可見核減有曾奉之恩綸而折解有可稽之故事 聖人時中所謂化而裁之與民宜之者矣

奏陳整頓滇省銅政事宜疏 光緒九年

雲貴總督岑毓英

竊據藩司唐炯詳稱滇省承平時額運京銅及各省採辦本省鼓鑄不下數百萬厥務之盛如此軍興後遂爾廢弛同治十三年奏請試辦無異創始歷年以來加本脚免抽課銅籌復經費體恤調劑不為不至而每年添運五十萬猶復拮据非必銅老山空且故略有數端一則砂丁招募不易從前大原動輒十數萬大小廠亦不下數萬非獨本省窮民凡江湖兩粵力作功苦之人皆來此以求生活滇諺所謂丁由利集銅由丁出也自經兵燹加以疫疫戶口凋殘僅存十分之一而商賈不能流通田土又多荒蕪凡百生計艱難外省客民遂爾裹足砂丁既少雖有美礦無憑攻採一則爐戶虧折太甚向例銅砂煎出每百斤徵課十斤耗銅四斤二兩餘銅歸官收買乃法久弊生於是銅本則扣減平色留難守候收銅則私製大秤重兌浮收加以看銅改煎種種需索每銅百斤爐戶獲價有僅得銀四五兩者不敷開銷勢必填舊挪新日久積成巨欠而本省市價每百斤值銀十餘兩鄰省有二十餘兩小民趨利罔知犯法良善設業殺雞走私而厥務日形棘手矣一則民間資本不厚向來辦廠見功遲速不能預期而分尖洩如置備器具修橋開路以及油米柴炭需費甚鉅從前賴外省富商挾資來滇開採百物流通民間生計藉以裕饒至於本省戶鮮殷實不過雲星湊集朋充夥辦軍興後常年衣食率多不給更無餘資以謀厥利各廠爐戶既無資本以新開山又不忍念舊時儲餉但陶荒洗燥藉領官項圖混目前而承辦之員大都見小欲速不謀久遠長此不遏冀復額運恐竟無期一則地方官辦理弊多從前定章本有駐廠委員原以地方官事務煩多不能親駐廠中勢必假手親幕丁胥官商情隔使滋弊竇自前署藩司倉景翰請改歸地方官辦理東川永北等處爐戶虧折拖欠日深不獨民間視為畏途不貴與官交涉即其餘有廠各屬地方官亦皆畏累卻顧率以銅老山空一票摺塞此時若不改併更張勢必江河日下以後益無從整頓該司抵任以來凡遇官紳商賈稍知厥務即向其諮訪利弊各令條陳並派員弁遍歷東昭永北各廠就詢熟悉廠務老民既得悉受病之源因考求補救之法咸謂銅非丁不出丁非利不集現在蜀患人多滇患人少宜先開辦附近川邊之東昭永北武定各廠以次及於曲靖楚雄順甯開化臨安庶便招集惟人情轉徙無常必使其謀生有資然後視為樂土相率而至是宜復還運道俾商賈流通口岸日開謀生路廣遠近窮民移家就室生聚滋多不但目前厥務有益而各屬土田亦可冀次第開墾此實事理相同有必然者至於裁革使費以絕弊端預借底本以示體恤寬予年限以資調劑別開新廠以圖久

遠官商并辦以期合作得以順協人情鼓舞興作一年之間必有起色三年之後決著成效該司非確有把握萬不敢違議更
張等情詳請具奏前來臣覆查滇省銅務開辦已將十餘迭經督同各任藩司竭辦幾於寢食俱廢法經屢變而效尚難期惟
原具故求備法之人易求核實善書善於行法之人難茲該司親力既堅體察亦均真切所議各條經臣等逐加商度意見皆
同立論已具端倪辦理當收實效自未便稍拘更張之見致誤整頓之方謹將詳到章程五條另繕清單恭呈 御覽并請
旨飭部核議立案以便遵行其餘一切事宜容飭司隨時體察情形再行酌議辦理

請變通鼓鑄疏 光緒十一年

兩廣總督張之洞

粵省實鑄局鼓鑄事宜向係在于貴陽大定兩府設局興辦軍興後因工本無出停鑄略已二十餘年其京鉛一項陸續運存
四川永瀘兩局積至二千餘萬斤雖奏明變價濟餉而銷路阻滯計先後委員運銷不過百餘萬斤迄今未經售竣現并除去
撥還之鉛斤所餘尚多臣嗣以需費愈繁軍事甚艱協餉不至羅網俱窮艱窘情形至斯而極當萬無可籌之中為稍展權宜
之計舍鉛鉛則無生財良策第貴鉛必須與鑄錢相輔而行而鑄錢又非實鑄工本不可當茲庫儲如洗之時萬難有此鉅款
因查前雲南撫臣林鴻年前因滇省銅廠久廢奏請在於東川府屬格商整本開辦辦銅欽奉 諭旨允准在案黔省與滇省
同一艱難採銅既可招商鑄錢亦可興辦溯自雍正年間滇省運錢赴漢口交易曾經辦有成案茲值黔餉支絀似亦可仿照
變通辦理且設官局之貴陽大定兩府賦畝未靖道途多阻亦非商民所樂趨臣與軍需局司道悉心籌議查得仁懷廳界連
川省商賈輻輳舟楫可通買銅運鉛較為便捷當將鑄錢章程貴鉛價值妥議條款委員前赴該廳相度地勢設立鼓鑄局出
示曉諭招集殷富商民由永瀘兩局領買官鉛赴局興辦凡建造鑄房雇覓工匠及製造一切器具之資皆歸商民整本籌辦
實鑄錢一則完納釐金錢一百文其錢質之輕重乃銷路之通塞所關即成本之盈虧所係該商因地制宜酌量配鑄亦不
限以制錢成法該商所領官鉛并鑄出錢均准其運往川省等處為銷售鉛斤仍照舊章按例價繳銀水陸運資概不另作開
銷所有應繳錢釐銀價責成委員隨時稽查催收彙總解省以濟軍餉不得任其拖延現在各商應集均照遵行布置已有端
倪不日即可開辦仰懇 天恩俯准與辦俾借商本以鑄錢即用鑄錢以銷鉛非惟成法不致久廢於釐軍需亦均不無補助
臣並查雲南四川湖南湖北各督撫臣查明通飭各屬遇有商民買運銅鉛及領辦錢文過境一體驗明放行尤具完納釐稅
勿得留難阻滯外臣為籌餉起見是否有當理合附片具奏

請開爐鑄錢疏 光緒十一年

兩廣總督楊昌濬

竊查閩省市廛制錢缺乏各錢鋪盡出錢帖零星以小錢搜雜行用雖迭赴江浙購錢接濟價脚固多虧折而且杯水車薪隨
散隨盡上年海防吃緊錢帖更難取信幾致紛擾曾經奏明提動公款暫借各錢鋪以銀折支始獲穩定是閩省然法關係甚
鉅不能不急籌鼓鑄也查錢文輕重本無一定大約錢重則私鑄必多錢少則盜鑄更熾補偏救弊貴乎因時損益伏考
清會典順治年間初鑄每文一錢嗣加鑄一錢二分至一錢四分康熙年間改鑄一錢嗣又鑄一錢四分雍正年間改鑄一錢
二分乾隆以後皆以一錢二分為制迄今制錢日見其少由於舊錢銅質較重私毀盜鑄逐漸消磨欲除其弊莫若鑄便銀
之無利可圖不禁自止否則法律雖嚴仍難禁絕是議辦鼓鑄不能不酌改銖銔也省垣原設寶福局本歸藩司糧道會同管
理需用銅鉛委員分赴滇黔辦運遵照部頒錢模按卯開鑄工本尚須籌貼自咸豐年間改鑄鐵錢鈔錢之後停辦已二十餘
年匠工流散爐座傾圮所剩屋宇改儲軍裝欲備舊例驟難規復是鼓鑄之地又不能不變通另籌也同治四年間前督臣人
宗棠在閩奏請製造輪船聲明輪機來廈兼可鑄錢因創造之初趕辦船工一時不能兼顧現在錢價日昂物料因之俱貴竊
思船政廠屋有餘添爐調匠無須另行建造船料出洋採購順達附運銅鉛亦較便捷在廠員細本以考工為事併講求算學
化學兼司監鑄測算尤精廠員之上設有提調就近督率稽查自無弊端通盤籌畫較之域內專設一局辦理尤稱簡易無事
亦可節省至機鑄錢文必須先計工本官辦無虧私毀無利方能垂諸久遠據船政後學堂監督刑部主事鍾大焜確切核
以紅銅白鉛各重一百斤入爐一五火耗應除三十斤可鑄成錢一百七十斤以枚計之得三十二千文東洋紅銅每百斤連
運費共合錢一十八千二百六十文白鉛每百斤連運費共合錢七千三百四十文工炭每千需錢二百文共應錢六千四百
文與鑄出新錢數目相準試鑄之錢每文重八分五釐民間堪以行用似此變通辦理係為嚴杜私毀利益民間起見據福建
布政使沈葆靖會同東署按察使督糧道劉瑞麟善後局司道詳請奏明請 旨如蒙 恩准即在辦防經費內籌銀二三
兩作為成本在船廠設爐募匠照此鼓鑄按月將出鑄新錢照價發賣換回銀兩再購銅鉛繞鑄周轉毋使間斷毋使虧耗其
應行酌貼廠紳丁役薪資及製辦模範自定局費二百兩另於外銷裁內籌支以免侵用成本等情前來臣等竊維歷代錢文
法以漢之五銖唐之開元為最善昔曾詔有言錢重則利深盜鑄雲起重刑不足以禁之前明諱論謂國家鑄錢以濟銀之百
及就使鼓鑄之費與銀相當而多鑄一萬金之錢即多增一萬金之錢流布海內是藏富之術也近來各國通商金銀流出外
洋每歲以千萬計各直省利源漸竭惟有推行錢法尚可補民用之不足閩省民貧土瘠地不產銅一紙相沿歷年已久去元
馬江失事各錢鋪支取為難紳民始知鼓鑄之益若因其勢而利導之便民之政莫大乎是據呈錢樣論罪頗似開元雖仁宗

差小而體質殊厚經臣訪諸紳耆均稱尚可適用惟事關更改舊制錢法處分甚重臣等未敢擅便合無仰懇 天恩俯念閩省制錢缺乏民用維艱准予籌款變通鼓鑄以杜流弊而濬利源地方幸甚再現錢輕重既與舊制略殊銅鉛耗三項價目亦與例價稍有未符惟科本鑄錢並無賠貼之處應許免其核計合併聲明除咨部外謹會同署理船政大臣裴蔭森恭摺奏

閩省試鑄制錢改由機器局籌辦疏 光緒十二年

楊昌濬

竊照閩省前因制錢缺乏原設寶福局停鑄已久驟難復設議請在船廠設爐鼓鑄借資輪機以省人工酌改銖兩以杜私煨等情當據前福建布政使臣沈葆楨會詳具 奏嗣奉部覆准在辦防經費內籌銀二三萬兩作為成本其購辦銅鉛各價及運脚錢文核例無浮亦准照辦惟每文鑄八分五釐重分兩過輕行令查照咸豐二年京局鑄錢分兩辦理又銅鉛折耗工炭局費與例未符鑄出新錢如何搭放搭收妥為籌辦等因轉行遵照在案現在船廠工程緊急廠員不及兼顧并無餘屋可騰原設寶福局改儲軍裝不得不另擇地委員辦理查省城機器局尚有空屋隙地堪以修建該局委員候補知府張克辦事認真兼熟考工當經札飭福州府張國正會同妥籌試鑄并於辦防經費內先行籌提銀二萬兩飭發承領據報將局內空屋修葺完竣並添建房屋設爐五號每號五爐召匠製模購買銅鉛添派委員監工巡督於本年六月初四日開爐試鑄惟前准部議每文鑄重一錢以杜盜鑄而盜鑄之徒意在牟利現鑄八分五釐僅敷工本非特私鑄無利即仿照鑄造亦無利可圖若鑄重一錢則工本虧折必多且恐錢重利深旋鑄旋毀不數年而仍前缺乏之應請仍照原議鑄重八分五釐以期經久至銅鉛火耗定例每百斤准銷折耗九斤內配滇銅五十四斤白鉛四十六斤合銅鉛百斤按一五折耗雖較例耗有多准係銅鉛每五十斤勻配較之例配斤數銅少鉛多且東洋銅質不及滇銅折耗加增實覺無浮冒工炭一項即係工料定例每發淨銅鉛一百五十觔准銷工料銀三兩二錢二分七釐今鑄錢一百七十觔需工炭錢六千四百文銅鉛觔數有則工炭自宜增益適來匠工炭價昂於昔年以錢合銀多亦有限局用一節前議月定銀二百兩係擬船廠兼辦而言在廠員紳提調就近督率稽查毋復另籌薪水現在船廠不能兼顧改就機器局磨鑄所有創設爐座製辦模範以及監工委員丁役新費一切較前又復不同仍月定經費銀二百兩委難再減且在外銷款內籌支不動成本工款應請准予照支至新鑄錢文向例以錢一千作銀一兩搭放兵餉等項其時銀價每兩不值一千是以人皆樂從嘉慶二十三年銀價增昂每兩換錢一千三百餘文即經奏請查搭現在銀價更昂於昔若照向例搭放兵情恐未必願從稅課等項收款向係收解銀兩其眾雲星搭繳錢文因閩省山高灘險運載維艱由各外局易銀解現查各府缺錢與省相等若今收錢起解此盈彼絀似亦非宜此項議鑄錢文原因銀價日

增各錢鋪缺少制錢以為救敵扶偏之計應請仍照原議將鑄出新錢發鋪承領按照市價繳換銀兩收回成本一俟銀價低平新錢充足再行籌議搭收搭放章程以臻妥善除將新鑄錢樣另送併飭地方官訪私鑄私毀棍徒從重治罪一面嚴禁行使私錢以重國法據福建布政使張夢元會同善後局督糧道詳請奏治前來臣維歷代錢法以五銖開通為最善部議咸豐三年奏定之例適與相埒洵不刊之良法也然定例固當遵守而時宜尤貴變通是以元嘉四銖氏稱其便天禧祥符重俱一錢以外而顧棟高所得祥符官錢有輕至九分者國朝康熙年間開鑄制錢至重一錢四分亦兼鑄八分九分以濟行用當時謂之小制迨乾隆四年重錢日小而小制錢尚存前湖北撫臣晏斯盛開源節流疏內亦欲再從輕減使銷者無利自止現議八分五釐臣再四籌尚先令照樣試鑄一俟鑄有成效再行擴充辦理至工耗局費籌款以及一切收放情形仍由臣督同司道隨時考察分別運籌總期民用無滯官帑無虧於錢法稍有裨益以仰副聖主興利除弊至意

皇朝經世文續編卷五十目錄

禮政一體論

請崇儉疏

復曾相國書

復劉中丞荅書

筆記一則

書儀禮釋宮後

禮理說

經義雜說二則

倭仁

劉蓉

曾國藩

曾國藩

曾國藩

俞樾

俞樾

上海萬士齋子源輯

禮政一禮論

請崇儉疏

倭仁

本年二月準內務府行知各衙門恭查 大婚禮節敬謹預備等因伏思宮廷條四表觀瞻節儉始於躬行斯風化及於海內上行下效理固然也昔漢文帝身衣弋絺罷露臺以惜中人之產用致兆民庶富天下又安明帝馬后服大練之衣史冊傳為美談此古事之可徵者也我 朝崇尚質樸 列聖相承無不以儉勤為訓伏讀 世宗憲皇帝聖訓朕素行不喜華麗一切器具皆以適用為貴此朕傳節愛惜之心數十年如一日看人情喜新好異無所底止豈可導使為之而不防其漸乎 宣宗成皇帝御製懷德堂記亦詳詳以作無益害有益示戒 聖訓必垂允足為法萬世近聞內務府每年費用逐漸加增去歲儲動部庫百餘萬兩 國家經費有常 宮廷之用多則軍國之用少況內府金錢皆閭閻膏血任取求之便踵事增華而小民斂比華敵之苦 上不得而見也咨嗟怨歎之聲 上不得而聞也念及此而痼癥在抱必有惻然難安者矣方今庫藏支絀雲貴陝甘獨熾賊直隸山東河南江浙等省髮捻雖平民氣未復八旗兵餉折減衣食不充兼之他族富處尤須預儲財用以備不虞此焦心勞思之時非豐亨豫大之日也 大婚禮肇重應備之處甚多恐邪佞小人欲圖中飽必有以鋪張體面之說進者所宜深察而嚴斥之也夫制節謹度遵 祖訓所以檢身心崇儉去奢備民財即以培 國脈應請 飭下總管內務府於所有應備之物力為傳節可省則省可裁則裁總以時事艱虞為念無以粉飾靡麗為工則 聖德昭而天下實受其福矣

後曹相國書

劉蓉

幾輒苦旱吏事廢墜誠賢者勞心焦慮之時南中乃患水潦楚鄂江皖所在皆同陰陽乖爭各相偏勝世局殊可念也弟自還山後閒居無事懶復出門日取先聖賢之書端坐而誦之夢寐與俱聲歆相接意趨所至動與古會目疑身在兩漢周秦以前非今世也古之去今遠矣人之為類繁矣或並處世中促膝談笑而曠渺遠隔抵死不相聞知或世遠代殊懸隔千載而神明往來如共几席故莫遠於并世之士莫近於遠古以上之人為其精神志趣之載藉編者曠千世而相感也禮書自周官儀禮載記下逮儒先所述並得粗讀一遍近世江慎修氏篤志研討白首一經可謂勤矣綱目一編具見條理惟墨守康成嚴

緯書之界其於禮之大者往往昧所由來秦樹禮氏網羅舊章別為五禮歷代掌故燦然明備可謂博矣然亦特類書之較有倫序者其所據以折衷頗泥古禮之迹而莫通其意但取器數之備而不揣其情不可謂非蔽也蓋先王禮制之大備不盡傳於後世其僅存者又頗為傳記般亂遂失本旨學者非能究觀義理之原精思而默識之固無由達其意儀法度數之等雖備具然非德祐於躬誠溢於外亦莫能稱其情故不特知其義者之難而製其文以行之者之尤難也執先王之禮不審其時度其德而強後世以必行不可也取後世沿襲之似塗飾膠附以謂能合古人之轍不可也蓋凡一代之興必有一代之禮禮之興替視其德德厚者禮從而隆德薄者禮從而污上者神合焉次者文具焉其下則苟而已故善法先王之禮惟其德之肖而不必其蹟之同也後世倘有王者得禮經之精意化裁變通以成一代之制而繼周家之盛苟協於中何必古人如非其人雖在文武成康之子孫循規襲矩從容以適進退之節亦所謂薄於德虛於禮者況於漢唐以後之紛紛乎然且膠執成憲遵一軌以較轍蹟之離合期不失於尺寸何其陋也區區之愚竊思取禮制大端若祭祀朝聘燕饗冠昏射饗之屬據經援傳尊華摩言而頗挾發其精意為禮經發微一書以著聖人所以體性達情經世宰物之大經大法亘萬世而不可易者至若周之叔季及漢唐以來僭竊芻蕘緣飾堂附疏漏雜揉之制與夫秦漢間傳記雜述及後儒論纂失旨繁碎支離乖戾悠謬之說所以靈壞人心蕩佚風教之故亦皆縷析條辨為或問以附之期以羽翼聖經扶植人紀延隆緒以詔諸無窮後聖有作庶幾取而法之於以建中立極挽末俗而還之隆古意在茲乎蓋天地之運無時或息則所謂天秩天敘正彝倫以協中和之極者不容泯絕於人心雖時有晦明道或從而升降要必有聖者起承其後踵前哲之隆規復三代之盛治此天運循環之自然數律知冬剝極而復其理未有或爽者也第今年五十有四顛毛凋落餘髮蒼蒼大半白矣然心感志強殆適壯歲方思追古人千載之上而躬駕以從之若吾生固未可涯吾志終於必酬者所者見謂壽當適耄雖心知其謀言然願自喜且意其誠其以謂天尚欲使斯人有知固當錫之大年以覺後世之昏吝者其不忍遽奪之也至於文章之事常自病弱於才度不逮古人終如司馬氏韓氏皆所謂天授非但人力之為次則歐陽氏曾氏王氏固亦能者然歐文之盛者不能過二十篇曹興王不能過十篇皆有轍跡可尋未嘗絕人攀躋之路努力為之殆不難到去歲試作五七篇謂頗賢於曠昔及取三子之盛者較焉猶似遠遜之者非學識論議之不逮其機趣氣運之得於自然者未可驟而幾也彼積其功典力之勤動於其天而詣力適與之會莫知其然而自至者也然且不能皆然則功典力具所自致而天不可以常遇也嘗自度欲與之並非更十年二十年殆未可期而生乎志願又有大於此者竭十年二十年之心與力僅以丈人自名尤私心所弗屑以是屏去不復為今一年矣然時

用往來於心公受我者謂當決然棄之耶抑且羈靡勿絕兩利而俱存之邪藝之至者不兩能備種多者抑無求而不獲公將
佐以教之兒子鴻業實地杜魯頃又委以家事遂廢學次者以後季弟資亦中人文義淺者粗能省悟而已遠近來問學者數
輩類非傑特之才近日湖湘間人材稍替有高資者又好為闊大自肆之談誦說西京而薄視唐宋以下文章經學大抵皆棄
亦風會之一變也南屏數萬好古脩然塵謚之外南中殆罕比倫惜其端然老矣頃約秋涼來訪并相稽為衡疑也濟不卜能
否必踐雲仙成縣志後又任通志之役微精力於考訂而身心少所資稜歲月滔滔殊可念也其他朋游中少相益者年歲漸
增雅不喜與浮華少年相接人亦不樂近之孤陋岑寂頗以寡聞自弔此其酷耳先人之葬越十年形家多不謂吉且疑其水
懼不可以久託乃復躬自營度已別卜地於六月改厝矣久思乞銘閣下慮事冗或不暇為遲遲至今然終不敢以屬他人以
夙無相知之雅徒飾浮詞以誣先德非心所安也謹具行述大略敬求賜之銘章以光泉壤世世子孫感幸無似撰成時並乞
妙墨書寄已卜期臘月修墓文到使上石也

復劉中丞書

曹國藩

十二月初接八月二十六日惠書及鐸禮堂記敬承興居康勝勤學不倦所居疑在蓬島之間置身若在周秦以前非泊然寡
營觀物深窺說希聲而友前哲殆未足語於此研究三禮洞澈先王經世宰物之本達於義理之原遂致有所撰述以覺後世
之昏迷甚感甚感欽企何窮國藩亦嘗粗涉禮經之藩官事繁冗莫竟其業所以沮滯而不達者約有數端蓋禮莫重于祭祭
莫大乎郊廟而郊祀禋祫之節宗廟時享之儀久失其傳雖經後儒殷勤脩補而疎漏不完較之特牲少牢饋食兩篇詳畧迥
殊無由窺見天子諸侯大祭森嚴之典軍禮既居五禮之一吾意必有專篇細目如咸元敬氏所紀各號令者使伍兩卒旅有
等而不干坐作進退率循而不越今十七篇獨無軍禮而江氏永泰氏蕙田所輯乃僅以兵制田獵車戰舟師為政等類當之
使先王行軍之禮無緒可尋國之大事在祀與戎而古禮殘闕若此則其他雖可詳考又奚足以經綸萬物前哲化民成俗之
道禮樂並重而國子之教樂為專精樂之至者能使風儀數舞後聖千載聞之志味役親聖神制作豈能重疊樂於不講國藩
於律呂樂舞茫無所解而麻茸之學有闕於製器審音者亦終身未及問津老鈍無聞用為深恥夫不明古樂終不能研窮古
禮國藩之私憾也郊廟祭儀及軍禮等殘缺無幾千古之公憾也是皆用以自沮而不達者也所貴者賢豪非直萬楷成憲而
已亦將因其所值之時所居之俗而創立規制化裁通變使不失乎三代制禮之意來書所謂尚協於中何必古人是也然時
俗亦有未易變者古者祭祀必有主婦饗饗亦及夫人誠以在宮雍雍在廟肅肅妃匹有萬恭之德乃足以奉神靈而理萬化